

'Sagarrondotik' ekimenak 15.000 lagun espero ditu datorren asteburuan Hernanin

■ Ostiraletik igandera kontzertuak daude Txantxillan, pelota eta herri kirolak frontoian, bazkariak, azoka, sagardo dastaketa... ■ Festa guztia antolatzeko 1.200 lagun inguru ariko dira lanean.


SAGARRONDOTIK taldeak festa erraldoia antolatu du datorren astebururako, sagardoaren bueltan. Festaren helburua da sagardotegiaren ingurune honetan urteroko festa haundi bat antolatzea eta gure eskualdea ezagutzera ematea, antolatzaileek Kronikari esan diotenez. Horretarako izen haundiko musikari, pelotari, harri jasotzaile, bertsolari eta bestelakoak dakarzkite eta bazkariak, erakusketak eta sagardo probaketak ere badaude.

Izen haundiak

Kontzertuetan kanpoko eta Euskal Herriko talde famatuak etorriko dira: Raimundo Amador, Kiko Veneno, Desmond Dekker, La Polla, Gatibu... hauek denak biltzea kostatzen da, baina, antolatzaileen hitzetan uste baina erraztasun gehiago ere eman ditu zenbaitek. Izendatuta daudenez gain, sorpresaren bat ere izango dela esan digute Sagarrondotik ekimenekoek. Larunbateko sagardo probaketan, berriaz, Euskal Herri osoko 53 sagardotegietako sagardoa egongo da aukeran, eta arratsaldean punta puntako pelota partidua profesionala. Herri kirolaren urrezko aizkorako finala errepikatuko dute Arrospide eta Peñagarikano Larretxea eta Mindegiaen kontra igandean, eta harri txikiaren ondotsuena dabilzan harrijasotzaileak ere etorriko dira: Goenatxo, Izeta eta Irigoien gaztea. Txantxillan, berriaz, bertsolariak, 1.200 lagunentzako bazkaria eta Alboka musika taldea izango dira Angel Alkainek aurkeztuta.

Sarrerak salgai

Kontzertuetarako sarrerak



Kiko Veneno da Hernanin kontzertua emango duenetako bat.

kaxkoko tabernetan daude. Ezinduentzat gune bereziak ere jarriko dituzte kontzertuetan (informazioa 679 319679). Herri kirolarako eta pelota partidurako sarrerak Juxto, Onddi, Aralar, Guria eta Kitto tabernetan daude eta bazkarirako txartelak Aralar, Oinddi, Txili eta Riojanotan.

Jendetza haundia

Ekitaldiak ikusita jende pila haundia espero da Hernanin ostiraletik igandera; antolatzaileek diotenez 15.000 inguru. Euskal herri osotik dator jendea eta Euskal Herriaz kanpotik ere bai. Antolatzaileek ekitaldietako sarrerak lehenbailehen hartzeko gomendioa zabaldu dute, karpak 7.000 lagunentzako tokia baitu. Hori guztia antolatzekeko 1.200 lagun behar dira lanean: garbitzeko, montajerako, herri zaintzarako eta abar. Hernanin tabloi bat jarri dute pronto dagoen jendeak izena emateko. Biteri kultur etxe-

an apuntatu behar da.

Aparkamenduekin ere nahiko saltsa izaten da Hernanin, jende pilaketak direnean. Hori ebitatzeko Ibai Ondo poligonoan, Sagastian eta Remy Harinera inguruan jarriko dituzte aparkalekuak eta ordu jakin batzuetatik aurrera herrikoei bakarrik utziko zaie zentro aldean kotxez sartzeko. Txantxillako aparkamenduan ezingo da gaurtik datorren astelehenera arte aparkatu, karpa jartzeko lanak hasiko dituzte-eta.

Kiroldegia lotarako

Kanpotik datorren jendeak lo egiteko tokia izan dezan, kiroldegia preparatuko dute eta bonoak saltzen ari dira. Lagun bakoitzak esterila eta zakua ekarri behar ditu eta dutxak eta komunak irekiak izango dira kiroldegian. Asteburuan kirola egin nahi duenak igerilekua izango du irekita, ostiral arratsaldetik astelehenera. Bi pistak, gimnasioa eta gainerako zerbitzuak itxita egongo dira. □

EGITARAUA

MARTXOAK 21, OSTIRALA

21:00etan frontoian: Euskal dantzak, Ttarla taldea eta Akelarrea.

22:30 Txantxillan: kontzertua Raimundo Amador, Desmond Dekker, Fundación Tony Manero, La Polla eta Gatibu.

MARTXOAK 22, LARUNBATA

11:00etan Txantxillan: Sagardo mostra eta festa.

17:00etan frontoian: Pelota partiduak: Oiaga-Imaz/Esnaal-Arroio Titin III-Goñi III/Agirre-Barriola.

21:00etan Txantxillan: Kontzertua: Kuraia, Kiko Veneno, Gari, Potato eta Mallacán.

MARTXOAK 23, IGANDEA

11:00etan kiroldegian: Herri kirolak: Arrospide, Peñagarikano, Mindegia, Larretxea, Izeta, Goenatxo eta Irigoien.

13:00etan Txantxillan: Bertso saioa: Andoni Egaña, Sebastian Lizaso, Aitor Mendiluze eta Maialen Lujanbio. Sagardo dastaketa, bazkaria eta Alboka taldearen kontzertua.

17:00etan frontoian: Takolo, Pirritx eta Porrotx pailazoak eta Txan magoa.

19:00etan frontoian: Diskofesta Joseina Etxeberriarekin.

Osasunaren astea Andragoton

OSASUNAREKIN lotutako gaiak landuko dituzte Andragoton, bihurtik datorren larunbatera. Bihar *hipnoterapia klinikoari* buruz hitz egingo du Luis Ceballosek 19:30etan; asteazkenean, *sexualitate mundu aldakor batean* gaia landuko du Miren Telleriak, 19:30etan; ostegunean, *erditzea eta jaiotzeari* buruz ariko da Cristina Aznar, 20:30etan; ostiraletan *Gure osasuna noren eskuetan?* galderari erantzun dio Eneko Landaburuk, 19:30etan; eta larunbatean, *masaje sensitibo gestaltikoa, iku-itzearen ikuspuntu psikokorporala* landuko du Gracia M^a Salaberriak, 19:00etan. □

PELOTA

Grajal-Ezeizak ezin

GRAJAL eta Ezeizak Euskal Herriko txapelketako finala zuten larunbatean Zizurkilen, behar Zana taldearen kontra. Hernaniko infantilek, partidu gogorra jokatu arren, 18-6 galdu zuten. □

ERRUGBIA

Hernanik 22-Ordiziak 32

GALDU arren gerra haundia eman zion Hernanik Ordiziari atzo Landaren. Partidu aurretik Ordizia zen faborito, baina, partidu osoan maila altuko bi taldek jokatu zuten. Hernani galtzen hasi zen baina ez zuen etsi eta defentsa gogorren oinarrituta partidua bukatzeko ordu laurden inguru falta zela 22na zijoazten. Momentu horretan entsaioa egin zuen Ordiziak eta hernaniarrak behera egin zuten. Orain 3garren dijoa Hernani eta normalean postu horretan bukatuko du liga. Bukatzeko 3 partidu falta ditu: Santander (atzeratua), Atletiko eta Bilbo.

Bestalde, Euskal Herriko finalurrekoetako lehen partidua zuten jubentilek eta kadeteek. Jubentilek 48-0 galdu zuten Elorrioren kontra eta kadeteek 12-26 irabazi Eibarri. Orain bueltako partidua jokatu beharko dituzte. □

Hernaniko
Kronika

Interneten
www.dobera.com

PROCOLOR ZEN-
Pinturas
PL
Landaribar, s.l.
Pinturatzeko ekipoa
Industria eta dekoraziorako
pinturak
Pinturatuakako paperak



mikel armendariz
proiektu eta instalazio
elektrikoak

Tel. 649 846 422
HERNANI

Bikain
OKINDEGI TA GOZOTEGIA

Eguneroko ogia beti
Bikain...



Eziago poligonoa. Tel. 943 55 00 89
Elkano 12 - Tel. 943 55 31 42
Orkolaga 19 - Tel. 943 33 14 87
20120 HERNANI

Argitarapen honen laguntzaile:

CAJA LABORAL
EUSKADIKO KUTXA



Ohorezko kofradiakide berriak, Tolareako Lehendakaria eta Hernaniko Alkatearekin batan.

Ohorezko zazpi kofrade berri baditu Tolareak

■ Zin egin dute sagardoaren alde egingo dutela: Tito Irazustak, CDHko pelota sailak, Edurne Pasabanek, Mari Karmen Urangak, Joxe Migel Bereziartuak eta Jose Juan Castilok.

TITO Irazusta kirol kazetari ezaguna, CDHko Pelota Saila, Edurne Pasaban mendizalea, Mari Karmen Uranga oilar eta kapoiekin hainbat sari atera dituen eta Sagar Egunean laguntzaile ibiltzen dena, Joxe Migel Bereziartua sagardogilea, Jose Juan Castillo Casa Nikolasako sukaldaria eta Felix Ares de Blas Kutxaguneko burua (Ares de Blasek ez

zuen ekitaldian egotetik izan) ohorezko bazkide egin zituen atzo Tolarea sagardo naturalaren kofradiak, Biteri kultur etxean. Denek eskerrak eman zizkioten Tolarea taldeari eta denek egin zituzten sagardoaren aldeko hitzak. Lehen hitzak Tito Irazustak egin zituen eta esan zuen beren etxean oso kirolariak izan direla beti eta ura edan izan dela,

baina, urarekin batean baita sagardoa ere. Sagardoaren alde amak egin izan duela beti eta ohorezko kofrade eginda bera adina ama poztuko dela ere esan zuen Irazustak.

Ekitaldian dantzari, kantari eta abar izan ziren eta bukarran kale buelta egin zuten kofradia guztiek Hernaniko banda aurretik zutela. Eguna Larregainen bukatu zuten. □

BERTSOLARITZA

Estitxu Eizagirrentzat Orixe Txapelketa

FINALEAN hiru hernaniar izanda txapela ekartzeko esperantzan joan ziren atzo Añorgara Estitxu Eiza-girre, Iñaki Zelaia eta Ariz Zerain eta baita etxera ekarri ere. Estitxu Eizagirrek lortu du aurtengo Orixe txapelketa, saioko gazteenak hain zuzen ere. Saioa ona eta berdindua izan zen eta Eizagirrek bakarkako lanean irabazi zuen txapelaren puska haundi bat. Gainetik pasatzen ari zitzaizkion gerrako abioiei hiru bertso dotoreak bota zizkien Irakiarraren paperean.

Eizagirrek saio oso onak egin ditu azken aldiko sariketan eta gehienetan finalean izan da. Orixe txapelak konfiantza hartu eta koska bat gora egiteko balio diezaiokete hernaniarrari. □



Eizagirre azken agurra pentsatzen. Pello Zubiriari eskaini zion txapela.

KIROLA

ASTEBURUKO PARTIDUAK

FUTBOLA			PELOTA		
Taldeak	Emaitza		Taldeak	Emaitza	
Gorengoak	Pasañes-Hernani	8-0	Kronika Txapelketa		
Emakumeen kopa	Amara-Berri-Hernani	0-4	Esk. 2.naka	Zelaia-Urdangarin/Tutu-Azahar	17-22
ERRUGBIA			Esk. 2.naka	Utzi-Quijera/Huizi-Villar	17-22
1 Liga Nazionala			EHko, Gipuzkoako eta Udaberri txapelketak		
Jubenilak Euskadiko Txapelketa	Hernani-Oñiza	22-32	Eskuz	Abarra-Endi-Sarasua-San Sebastián	22-19
Kadeteak Euskadiko Txapelketa	Berri-Hernani	48-0	Palgoma	Tijero-Lujanb/Buntarian-Añzaba	30-19
WATERPOLOA			Kadeteak	Fernandez-Barrantes/Bergara	22-20
Euskal Herriko Liga	Hernani-Santoña	9-5	Palgoma	Hoz-M anchobas/A Izatana	14-30
2 Euskal Herriko Liga	Maristas-Hernani	15-5	Palmotz	Lujanb-Galizia/Oñangu	25-40
			Infantilak	Garañeza/za/Bahazana	6-18

HITZ BITAN

✓ SANTA BARBARA ELKARTEA

Mus Txapelketarako izen ematea zabalik. Santa Barbara elkartearen zabalik da mus txapelketarako izen ematea, apirilaren 1 arte. Izena elkartearen bertan eman behar da edo zuzendaritzako kide bati esan behar zaio bestela. Prezioa bikoitiko, 14 euro.

✓ EKINTZA DANTZA TALDEA

Ekintza taldeko dantzari izandakoek bilera. Ekintza dantza taldeko dantzari izandakoak datorren asteartean biltzekoak dira Langile ikastolako gimnasioan (Laubidietan), arratsaldeko 20:00etan. Informazio gehiago 943 552185 telefonoan (Txuri).

✓ URUMEA IKASTOLA

Anorexia eta Bulimia hizketagai. Anorexia eta bulimiar buruzko hitzaldia dago bihar Urumea ikastolan, azkenaldian egiten ari diren jardunaldien barruan. Hitzaldiaren izenburua da *Elikadura nahasteak: anorexia eta bulimia. Prebentzio programa*. Bihar, asteartea, Elkanoko zentroko liburutegian, arratsaldeko 19:00etan.

✓ WATERPOLOA

Hernani Ak irabazi, hil ala biziko lehen partidua.

Hernani A jeitxi ez jaitxi dabil aurtengo Euskal Herriko lehen mailan eta pauso garrantzitsua eman zuen atzo Santoña taldeari 9-5 irabazita. Hernanik 3 goleko alde behar zuen mailari eusteko esperantzak izateko eta hori ere lortu du. Golak: Ibon Mendozak 2, Artur Casasek 1, Iker Bereziartuak 4, Mikel Etxeberriak 1 eta Juan Lumberrasek 1. Datorren larunbatean ere partidua klabea du Hernanik, Santurtzin. Irabazi ezkererako promozioa jokatu luke, baina, galdu ezkererako bigarren mailara jaitziko litzateke Hernani. Taldeak afizioaren beroa nahi du irabazteko indarrak emateko eta autobusa jarriko du deialde, nahi duen guztiarentzat. Interesatuak deitu 620 391099 telefonora, gaueko 22:00etatik 23:30etara.

Hernani Bk 15-5 galdu du Bizkaian.

Bigarren taldeak erraz galdu zuen atzo, Leioan, Maristasen etxean. Hernaniarrek eutsi zieten bizkaitarrei lehen zatian, baina, bigarrenan kontraerasora ekin zion Maristasek eta hor min handia egin zion Hernaniko taldeari. Bigarren mailan Hernani 8garren dijoa momentu honetan. □

ZERBITZUAK

☎ TELEFONOAK

► Taxiak:
943 550093
► Udaltzaingoa:
943 333288
► DYA:
943 464622
► Anbulatorioa:
943 006666
► Jokalari anonimoak
943 331103

✚ FARMAZIAK

ASTELEHENA

► Egunez: Etxebeste
Elkano 2
☎ 943 552087
► Gaez: Gil
Lasarte. Nagusia 24
☎ 943 361529

ASTEARTEA

► Egunez: Aizpuru
Latxunbe Berri 11
☎ 943 336077
► Gaez: Rodriguez
Lasarte. Nagusia 42
☎ 943 361774

IRAGARKI MERKEAK

Emakume batek etxeko lanak egingo lituzke goizetan. (Informe eta erreferentziak). Deitu: **699 14 92 85**

Arotz profesionalak etxeko lan txikiak egingo lituzke Hernani inguruan. Behar badezu deitu: **656 78 64 15 (Kepa)**

55 urteko emakume batek etxeko lanak egin, umeak zaindu edo antzeko lanak egingo lituzke. Erresposnabile eta langilea. Deitu: **943 55 54 36**

LAGUNTZAILEA, agentea edo Justizi-offiziala. Laster deialdiak. Euskal Herriko Auzitegietan lana. ADOZek informatzen du: **943 44 45 09**

AIREPORTUAN KONTROLATZAILEAK. AENaren deialdiak udaletan. Eskakizuna: Diplomata edo lizentziatua. Erdi mailako ingelera. ADOZek informatzen du: **943 44 45 09**

GIDA-ESKOLA IRAKASLEA. Langabeziarik gabeko lanbide baten lana. Diru-sarrerara oparoak. Presta zaitetz. ADOZek informatzen du: **943 44 45 09**

BASOZAINA. Euskal Herriko parke eta Natur Babeguneetan lan egiteko. Eskakizuna: Eskola Graduatua. Presta zaitetz. ADOZek informatzen du: **943 44 45 09**

SUHILTZAILEAK. Euskal Herriko parkeetan egin ezazu lan. Lan-baldintza ezin hobek. Betebeharra: Eskola Graduatua. ADOZek informatzen du: **943 44 45 09**

GARRAIOLARIA. Garraiolari profesional izateko gaitze-titulua lor ezazu ADOZek informatzen du: **943 44 45 09**

ADMINISTRARI laguntzaileak. Laster deialdiak zenbait udaletan. Eskakizuna: Eskola Graduatua. ADOZek informatzen du: **943 44 45 09**

UDALTZAINA bertako udaletan lan egiteko. Deialdiak laster. eskakizuna: Eskola Graduatua. Presta zaitetz ADOZ **943 44 45 09**

LIBURUTEGI laguntzailea zenbait udaletan. Laster deialdiak. ADOZek informatzen du: **943 44 45 09**

ADMINISTRARI (teknikoak zein laguntzaileak). Bertako udaletan deialdiak zabalik. ADOZek informatzen du: **943 44 45 09**

GIDARIAK, elektrikariak, kontserjeak, langileak... Bertako udaletan subalterno bezala lan egiteko. ADOZek informatzen du: **943 44 45 09**